

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-874/09
Sarajevo, 15.09.2009. godine

Z A P I S N I K
**24. SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 30. jula i 15. septembra 2009. godine**

Sjednica je počela u 10.52.

Sjednici je predsjedavao Stjepan Krešić, predsjedavajući Doma naroda Parlamenta Federacije Bosne i Hercegovine.

Na početku sjednice predsjedavajući je pozdravio: delegate, potpredsjednicu Federacije Bosne i Hercegovine Spomenku Mičić, premijera Mustafu Mujeginovića, zamjenike premijera Vjekoslava Bevandu i Gavrila Grahovca, ministre u Vladi Federacije Bosne i Hercegovine, predstavnike udruženja, sindikata, međunarodnih organizacija, goste i predstavnike akreditiranih medijskih kuća koji prate rad sjednice.

Izostanak sa sjednice opravdali su: Jasenko Tufekčić, Zijad Tvica, Alija Begović i Ramo Isak.

Na osnovu evidencije Stručne službe, predsjedavajući je konstatovao da sjednici prisustvuje 47 delegata, što čini većinu, te Dom naroda može raditi i punovažno odlučivati.

Prije prelaska na rad delegati su, bez primjedbi, jednoglasno (47 glasova za) usvojili Zapisnik 10. vanredne sjednice Doma naroda, održane 09. jula 2009. godine, i Zapisnik 23. sjednice Doma naroda, održane 02. juna i 09. jula 2009. godine.

Nakon toga predsjedavajući je u ime Kolegija Doma naroda predložio da se zbog opsežnog predloženog dnevnog reda ne postavljaju delegatska pitanja i ne pokreću inicijative na ovoj sjednici, što su delegati većinom glasova prihvatili.

Predsjedavajući je obavijestio delegate da je Vlada Federacije dostavila Prijedlog Izmjena i dopuna Budžeta Federacije Bosne i Hercegovine za 2009. godinu uz koji su dostavljeni Pismo namjere, Globalni okvir fiskalne bilanse i politika u Bosni i Hercegovini za 2010.–2012. godina i Tabela konsolidiranih budžeta u Federaciji Bosne i Hercegovine rađenih prema metodologiji MMF-a sa prijedlogom da se razmatra po hitnom postupku.

Također, Vlada Federacije dostavila je Prijedlog Zakona o osiguranju sredstava za redovno i sigurno snabdijevanje prirodnim plinom potrošača u Federaciji Bosne i Hercegovine i Prijedlog Zakona o izmjenama i dopunama Zakona o naplati i djelimičnom otpisu dospjelih a nenaplaćenih doprinosa za socijalno osiguranje sa prijedlogom da se razmatraju po hitnom postupku.

Potom se glasalo o ovim prijedlozima.

Na osnovu rezultata glasanja, predsjedavajući je konstatovao da je Dom naroda, sa 43 glasa za, uz tri glasa protiv i uz tri uzdržana glasa, prihvatio da se Prijedlog Izmjena i dopuna Budžeta Federacije Bosne i Hercegovine za 2009. godinu uz prateće dokumente razmatra po hitnom postupku.

Na osnovu rezultata glasanja, predsjedavajući je konstatovao da je Dom naroda, sa 42 glasa za, uz četiri glasa protiv i uz tri uzdržana glasa, prihvatio da se Prijedlog Zakona o osiguranju sredstava za redovno i sigurno snabdijevanje prirodnim plinom potrošača u Federaciji Bosne i Hercegovine razmatra po hitnom postupku.

Na osnovu rezultata glasanja, predsjedavajući je konstatovao da je Dom naroda, sa 40 glasova za i uz pet uzdržanih glasova, prihvatio da se Prijedlog Zakona o izmjenama i dopunama Zakona o naplati i djelimičnom otpisu dospjelih a nenaplaćenih doprinosa za socijalno osiguranje razmatra po hitnom postupku.

Igor Rajner predložio je da se Zakon razmatra u formi nacрта jer se, prema njegovom mišljenju, radi o ozbiljnom zakonu za koji nedostaju mnogi podaci.

Predsjedavajući je konstatovao da je Dom naroda odlučio da Zakon razmatra u formi prijedloga Zakona.

Nakon toga, predsjedavajući je obavijestio delegate da je Vlada Federacije dostavila Prijedlog Zakona o dopuni Zakona o Poreznoj upravi Federacije Bosne i Hercegovine sa prijedlogom da se razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda, sa 46 glasova za i uz tri uzdržana glasa, prihvatio da se Prijedlog Zakona o dopuni Zakona o Poreznoj upravi Federacije Bosne i Hercegovine razmatra po skraćenom postupku.

Također, grupa predlagača u Predstavničkom domu dostavila je Prijedlog Zakona o izmjenama i dopunama Zakona o izdvajanju i usmjeravanju dijela prihoda preduzeća ostvarenog korištenjem hidroakumulacionih objekata sa prijedlogom da se razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda, sa 43 glasa za, uz jedan glas protiv i uz tri uzdržana glasa, prihvatio da se Prijedlog Zakona o izmjenama i dopunama Zakona o izdvajanju i usmjeravanju dijela prihoda preduzeća ostvarenog korištenjem hidroakumulacionih objekata razmatra po skraćenom postupku.

Kolegij Doma naroda je na prijedlog Vlade Federacije predložio da se o Prijedlogu Zakona obavi rasprava na ovoj sjednici, a izjašnjavanje odgodi za narednu sjednicu, dok Vlada Federacije ne dostavi svoje mišljenje o Prijedlogu Zakona, što su delegati prihvatili.

Potom je predsjedavajući obavijestio delegate da je Vlada Federacije dostavila Prijedlog Zakona o načinu ušteta u budžetima Federacije Bosne i Hercegovine, kantona, gradova, općina, vanbudžetskih fondova i institucija čiji je osnivač Federacija Bosne i Hercegovine sa prijedlogom da se razmatra po hitnom postupku. Obavijestio je delegate da je Vlada Federacije na sjednici Predstavničkog doma od 29.07.2009. godine prihvatila amandman, kojim je izmijenjen naziv Zakona tako da sada glasi: Prijedlog Zakona o načinu ostvarivanja ušteta u Federaciji Bosne i Hercegovine.

Kolegij Doma naroda je na prijedlog Vlade Federacije predložio da se u dnevni red ove sjednice uvrsti kao 3. tačka - Prijedlog Zakona o načinu ostvarivanja ušteta u Federaciji Bosne i Hercegovine sa prijedlogom da se razmatra po hitnom postupku.

Na osnovu rezultata glasaanja, predsjedavajući je konstatovao da je Dom naroda, sa 41 glasom za, uz četiri glasa protiv i uz četiri uzdržana glasa, prihvatio da se Prijedlog Zakona o načinu ostvarivanja ušteta u Federaciji Bosne i Hercegovine razmatra po hitnom postupku.

Kolegij Doma naroda je na prijedlog Vlade Federacije predložio da se pod 1. tačkom dnevnog reda razmatra Prijedlog Odluke o odobravanju Odluke o prihvaćanju zaduženja prema Međunarodnom monetarnom fondu po III. stand by aranžmanu, što su delegati prihvatili.

Igor Rajner je upitao da li će se razmatrati Odluka o privremenoj obustavi isplate pojedinih stavki budžeta jer, prema njegovom mišljenju, Odluku treba odobriti Parlament Federacije.

Vjekoslav Bevanda, federalni ministar finansija, odgovorio je da je Odluka dostavljena Parlamentu Federacije radi informiranja u skladu sa Zakonom o izvršavanju Budžeta Federacije Bosne i Hercegovine za 2009. godinu.

Potom se prešlo na glasanje o dnevnom redu.

Na osnovu rezultata glasanja, predsjedavajući je konstatovao da je Dom naroda, sa 43 glasa za, uz dva glasa protiv i uz četiri uzdržana glasa, usvojio sljedeći:

DNEVNI RED

1. Prijedlog Odluke o odobravanju Odluke o prihvaćanju zaduženja prema Međunarodnom monetarnom fondu po III. stand by aranžmanu,
2. Prijedlog Izmjena i dopuna Budžeta Federacije Bosne i Hercegovine za 2009. godinu – hitni postupak,
 - Pismo namjere,
 - Globalni okvir fiskalne bilanse i politika u Bosni i Hercegovini za 2010.–2012. godina,
 - Tabela konsolidiranih budžeta u Federaciji Bosne i Hercegovine, rađenih prema metodologiji MMF-a,
3. Prijedlog Zakona o načinu ostvarivanja ušteta u Federaciji Bosne i Hercegovine - hitni postupak,
4. Prijedlog Zakona o izmjenama i dopunama Zakona o izdvajanju i usmjeravanju dijela prihoda preduzeća ostvarenog korištenjem hidroakumulacionih objekata (grupa predlagača u Predstavničkom domu) – skraćeni postupak,
5. Prijedlog Zakona o osiguranju sredstava za redovno i sigurno snabdijevanje prirodnim plinom potrošača u Federaciji Bosne i Hercegovine – hitni postupak,
6. Prijedlog Zakona o izmjenama i dopunama Zakona o naplati i djelimičnom otpisu dospjelih a nenaplaćenih doprinosa za socijalno osiguranje – hitni postupak,
7. Prijedlog Zakona o dopuni Zakona o Poreznoj upravi Federacije Bosne i Hercegovine – skraćeni postupak,
8. Prijedlog Zakona o izmjenama i dopunama Zakona o federalnim jedinicama (predlagači: Nusret Sirčo i Mirsad Zaimović, zastupnici u Predstavničkom domu),
9. Nacrt Zakona o fiskalnim sistemima,
10. Nacrt Zakona o organskoj poljoprivredi u Federaciji Bosne i Hercegovine,

11. Nacrt Zakona o dopuni Zakona o posredovanju u privatnom osiguranju,
12. Nacrt Zakona o mladima Federacije Bosne i Hercegovine (predlagač: Komisija za pitanja mladih Predstavničkog doma),
13. Izbor i imenovanja:
 - Odluka o imenovanju dva člana Komisije za koncesije Federacije Bosne i Hercegovine,
 - Odluka o utvrđivanju prijedloga jednog člana Državne regulatorne komisije za električnu energiju iz Federacije Bosne i Hercegovine.

Predsjedavajući je predložio da se rasprava o prve dvije tačke dnevnog reda obavi zajednički, a izjašnjenje izvrši pojedinačno, što su delegati prihvatili.

- 1. Prijedlog Odluke o odobravanju Odluke o prihvatanju zaduženja prema Međunarodnom monetarnom fondu po III. stand by aranžmanu**
- 2. Prijedlog izmjena i dopuna Budžeta Federacije Bosne i Hercegovine za 2009. godinu**
 - **Pismo namjere**
 - **Globalni okvir fiskalne bilanse i politika u Bosni i Hercegovini za 2010.–2012. godina**
 - **Tabela konsolidiranih budžeta u Federaciji Bosne i Hercegovine rađenih prema metodologiji MMF-a**

Vlada Federacije donijela je Odluku o prihvatanju zaduženja prema Međunarodnom monetarnom fondu po III. stand by aranžmanu na sjednici od 08.07.2009. godine i dostavila je Parlamentu Federacije, uz Prijedlog Izmjena i dopuna Budžeta Federacije Bosne i Hercegovine za 2009. godinu.

Prijedlog Izmjena i dopuna Budžeta Federacije Bosne i Hercegovine za 2009. godinu utvrdila je Vlada Federacije. Uz Prijedlog Izmjena i dopuna Budžeta dostavljeni su: a) Pismo namjere, b) Globalni okvir fiskalne bilanse i politika u Bosni i Hercegovini za 2010.–2012. godina i c) Tabela konsolidiranih budžeta u Federaciji Bosne i Hercegovine rađenih prema metodologiji MMF-a.

Predstavnički dom je na 22. vanrednoj sjednici od 29.07.2009. godine donio odluku kojom je odobrio Odluku o prihvatanju zaduženja prema Međunarodnom monetarnom fondu po III. stand by aranžmanu.

Predstavnički dom je na 22. vanrednoj sjednici od 29.07.2009. godine usvojio Prijedlog Izmjena i dopuna Budžeta Federacije za 2009. godinu sa pet amandmana Vlade Federacije koji su postali sastavni dio Prijedloga.

Amandmani glase:

Amandman I. - na razdjel 1201 Vlade Federacije, ekonomski kod 600000, Tekuća rezerva Vlade Federacije umanjuje se za 10 miliona KM. Sredstva se prenose na ekonomski kod 614100 Unsko-sanskom kantonu.

Amandman II. - na razdjel 1201 Vlade Federacije ekonomski kod 600000, Tekuća rezerva Vlade Federacije umanjuje se za 8 miliona KM. Sredstva se prenose na ekonomski kod 614100 Tuzlanskom kantonu.

Amandman III. - na razdjel 1201 Vlade Federacije ekonomski kod 600000, Tekuća rezerva Vlade Federacije umanjuje se za 900 000,00 KM. Sredstava se prenose na ekonomski kod 614100 Kantonu 10.

Amandman IV. - na umanjenje sredstava sa ekonomskog koda 600000 Tekuća rezerva Vlade Federacije u razdjelu 1201 za 18.900 000,00 KM. Sredstva se prenose Unsko-sanskom i Tuzlanskom kantonu i Kantonu 10.

Amandman V. – u razdjelu 1601 Federalno ministarstvo finansija vrši se izmjena ekonomskog koda zbog tehničke pogreške. Ekonomski kod 614100 - Transfer kantonima u Federaciji BiH zamjenjuje se ekonomskim kodom 821100 - Pozajmljivanje drugim nivoima vlasti.

Prijedlog Izmjena i dopuna Budžeta razmatrala su nadležna radna tijela i dostavila svoja izvještaje.

Odluku o prihvatanju zaduženja i Prijedlog Izmjena i dopuna Budžeta obrazložili su premijer Federacije Mustafa Mujezinović i federalni ministar finansija Vjekoslav Bevanda.

U raspravi su učestvovali: Tomo Vidović, Saša Magazinović, Drago Puzigaća, Mislav Sučić, Mira Ljubijankić, Sead Čaušević, Besim Imamović, Nikola Simić, Lidija Bradara, Svetozar Pudarić, Denis Zvizdić, Kenan Keserović, Muhamed Osmić, Josip Perić, Igor Rajner i premijer Mustafa Mujezinović.

Na Prijedlog Izmjena i dopuna Budžeta Federacije Bosne i Hercegovine za 2009. godinu Lidija Bradara je podnijela dva amandmana od kojih je nakon zaključenja rasprave odustala.

Potom se prešlo na glasanje.

1. Prijedlog Odluke o odobravanju Odluke o prihvaćanju zaduženja prema Međunarodnom monetarnom fondu po III. stand by aranžmanu

Na osnovu rezultata glasanja, predsjedavajući je konstatovao da je Dom naroda, sa 38 glasova za i uz devet uzdržanih glasova, donio Odluku kojom je **odobrio** Odluku o prihvaćanju zaduženja prema Međunarodnom monetarnom fondu po III. stand by aranžmanu.

2. Prijedlog Izmjena i dopuna Budžeta Federacije Bosne i Hercegovine za 2009. godinu

Na osnovu rezultata glasanja, predsjedavajući je konstatovao da je Dom naroda, sa 35 glasova za, uz tri glasa protiv i uz osam uzdržanih glasova, usvojio Prijedlog Izmjena i dopuna Budžeta Federacije Bosne i Hercegovine za 2009. godinu sa pratećim materijalima.

3. Prijedlog Zakona o načinu ostvarivanja ušteta u Federaciji Bosne i Hercegovine

Prijedlog Zakona utvrdila je Vlada Federacije i u svom dopisu obavijestila da iz parlamentarne procedure **povlači** Prijedlog Interventnog zakona o plaćama, naknadama koje nemaju karakter plaća uposlenih u institucijama Federacije Bosne i Hercegovine, kantona, gradova, općina, vanbudžetskih fondova i direkcija za ceste i tekućim grantovima, koji je dostavljen 17.06.2009. godine i korigovani Prijedlog Interventnog zakona o plaćama, naknadama koje nemaju karakter plaća uposlenih u institucijama Federacije Bosne i Hercegovine, kantona, gradova, općina, te plaće i naknade vanbudžetskih fondova i institucija čiji je osnivač Federacija Bosne i Hercegovine (direkcija, agencija, komisija i sl.) i visina tekućih grantova, koji je dostavljen 19.06.2009. godine.

Naknadno je Vlada Federacije 29.07.2009. godine dostavila amandman, koji je postao sastavni dio Prijedloga Zakona koji se odnosi na dodavanje novog stava 2. u članu 13. koji glasi:

„Odredbe Zakona koje se odnose na uštete na osnovu plaća i naknada koje nemaju karakter plaća primjenjivat će se od 01.07. fiskalne 2009. godine.“

Predstavnički dom je na 22. vanrednoj sjednici od 29.07.2009. godine usvojio Prijedlog Zakona sa devet amandmana koje je Vlada Federacije prihvatila, pa su postali sastavni dio Prijedloga Zakona.

Amandmani glase:

Amandman I

Naziv zakona se mijenja i glasi: „Prijedlog Zakona o načinu ostvarivanja ušteda u Federaciji Bosne i Hercegovine“.

Amandman II

U čl. 1., 5., 6. i 7. riječi: „mogu iznositi“ zamjenjuju se riječima: „iznosit će“.

Amandman III

U članu 4. u stavu 3. na kraju rečenice tačka se zamjenjuje zarezom i dodaju riječi: „od dana stupanja na snagu ovog Zakona“.

Amandman IV

U članu 1. iza riječi „tužiteljstva“ dodaje se riječ „pravobraniteljstva“.

Amandman V

U stavu 1. člana 1. i u stavu 2. člana 2. riječi: „kantona, gradova i općina“ se brišu.

Amandman VI

Član 8. se briše.

Amandman VII

Član 11. se briše.

Amandman VIII

U članu 2. dodaje se novi stav 3. koji glasi:
„Kantoni, gradovi i općine dužni su donijeti svoje propise o ispunjavanju uvjeta iz stand by aranžmana.“

Amandman IX

U članu 2. dodaje se novi stav 4. koji glasi:
„Korisniku javnih prihoda koji ne osigura provedbu ovog Zakona neće biti omogućeno korištenje sredstava za potporu budžetima u Federaciji Bosne i Hercegovine iz sredstava stand by aranžmana.“

Prijedlog Zakona obrazložio je Feliks Vidović, federalni ministar pravde.

U raspravi su učestvovali: Elvira Abdić-Jelenović, Svetozar Pudarić, Mislav Sučić i federalni ministar finansija Vjekoslav Bevanda.

Na osnovu rezultata glasanja, predsjedavajući je konstatovao da je Dom naroda, sa 33 glasa za, uz četiri glasa protiv i uz tri uzdržana glasa, usvojio Prijedlog Zakona o načinu ostvarivanja ušteda u Federaciji Bosne i Hercegovine.

4. Prijedlog Zakona o izmjenama i dopunama Zakona o izdvajanju i usmjeravanju dijela prihoda preduzeća ostvarenog korištenjem hidroakumulacionih objekata

Prijedlog Zakona utvrdila je grupa zastupnika u Predstavničkom domu.

Prijedlog Zakona dostavljen je Vladi Federacije radi davanja mišljenja.

Predstavnički dom je na nastavku 22. sjednice od 03.06.2009. godine usvojio Prijedlog Zakona sa jednim amandmanom koji je predstavnik predlagača prihvatio, pa je postao sastavni dio Prijedloga Zakona.

Amandman glasi:

U članu 6. na kraju rečenice brisati tačku, pisati zarez i dodati riječi: „i srazmjerno količini prikupljene vode sa područja dvije ili više općina“.

Također, predlagatelj je dao tehničku ispravku u broju „Službenih novina Federacije BiH“ tako da umjesto broja 44/07 treba pisati 44/02.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona obrazložio je Enver Mujala, predstavnik predlagača.

U raspravi su učestvovali: Besim Imamović, Igor Rajner, Muhamed Osmić, Lidija Bradara, Radoje Vidović, Edin Hozan, Svetozar Pudarić, Mislav Sučić, Josip Perić, Enver Mujala, premijer Mustafa Mujezinović i Ljubo Zovko.

U raspravi su Igor Rajner, Josip Perić i Besim Imamović podnijeli amandmane. Amandman Igora Rajnera odnosi se na brisanje amandmana koji je predlagač prihvatio na sjednici Predstavničkog doma, dok se amandman Besima Imamovića odnosi na to da se u članu 1. broj „0,005“ zamjeni brojem „0,0075“.

S obzirom na to da predlagač nije prihvatio ove amandmane, predsjedavajući ih je stavio na glasanje i, na osnovu rezultata glasanja, konstatovao da amandmani nisu dobili potrebnu većinu glasova delegata.

Josip Perić podnio je amandman koji se odnosi na dodavanje člana 8.b u članu 2. Prijedloga Zakona.

Enver Mujala je, ispred predlagača, predložio da se ovaj amandman usvoji kao zaključak, što je podnosilac amandmana i prihvatio.

Ispred Vlade Federacije premijer Mustafa Mujezinović predložio je da se Dom naroda ne izjašnjava o Prijedlogu Zakona, već da zaduži Vladu Federacije da dostavi u parlamentarnu proceduru zakon koji će sistemski riješiti problematiku iz ove oblasti.

Edin Hozan predložio je da se Dom naroda izjasni o Prijedlogu Zakona, a da Vlada Federacije u roku od 60 dana dostavi u parlamentarnu proceduru sistemski zakon koji bi riješio pitanja iz ove oblasti.

Nakon toga, predsjedavajući je stavio na glasanje Zaključak koji je predložio Josip Perić i, na osnovu rezultata glasanja, konstatovao da je Dom naroda, sa 37 glasova za i uz jedan uzdržani glas, usvojio sljedeći:

ZAKLJUČAK

Prikupljene naknade na osnovu Zakona o izmjenama i dopunama Zakona o izdvajanju i usmjeravanju dijela prihoda preduzeća ostvarenog korištenjem hidroakumulacionih objekata u iznosu od minimalno 50% tih naknada, općine korisnice ovih naknada dužne su investirati u infrastrukturne projekte područja koja su oštećena hidroakumulacijom.

Potom se prešlo na glasanje o Prijedlogu Zakona.

Na osnovu rezultata glasanja, predsjedavajući je konstatovao da je Dom naroda, sa 34 glasa za, uz tri glasa protiv i uz tri uzdržana glasa, usvojio Prijedlog Zakona o izmjenama i dopunama Zakona o izdvajanju i usmjeravanju dijela prihoda preduzeća ostvarenog korištenjem hidroakumulacionih objekata.

Nakon toga, predsjedavajući je konstatovao da je Dom naroda, sa 40 glasova za i uz dva uzdržana glasa, usvojio sljedeći:

ZAKLJUČAK

Zadužuje se Vlada Federacije Bosne i Hercegovine da u roku od 60 dana dostavi u parlamentarnu proceduru sistemski zakon koji bi riješio pitanja iz ove oblasti.

5. Prijedlog Zakona o osiguranju sredstava za redovno i sigurno snabdijevanje prirodnim plinom potrošača u Federaciji Bosne i Hercegovine

Prijedlog Zakona utvrdila je Vlada Federacije.

Predstavnički dom je na 23. sjednici od 30.06.2009. godine usvojio Prijedlog Zakona u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona obrazložio je Desnica Radivojević, federalni ministar trgovine.

Na Prijedlog zakona četiri amandmana podnio je Radoje Vidović.

U raspravi su učestvovali: Svetozar Pudarić, Denis Zvizdić, Radoje Vidović i Desnica Radivojević, federalni ministar trgovine.

U raspravi Denis Zvizdić podnio je amandman koji se odnosi na st. 2. i 3. član 5. Prijedloga Zakona.

Desnica Radivojević, federalni ministar trgovine, izjavio je da ne prihvata podnesene amandmane.

Nakon toga, Denis Zvizdić odustao je od svog amandmana, a budući da Radoje Vidović nije odustao od svojih amandmana, predsjedavajući ih je stavio na glasanje i konstatovao sljedeće:

Amandman I koji se odnosi na član 1. nije dobio potrebnu većinu glasova, jer su za glasala 22 delegata,

Amandman II koji se odnosi na član 2. nije dobio potrebnu većinu glasova, jer je za glasalo 15 delegata,

Amandman III koji se odnosi na dodavanje novog člana 3. nije dobio potrebnu većinu glasova, jer je za glasalo 13 delegata.

Budući da prva tri amandmana nisu usvojena, a usvajanje Amandmana IV. vezano je uz usvajanje ovih amandmana o njemu se nije glasalo.

Potom se prešlo na glasanje o Prijedlogu Zakona.

Na osnovu rezultata glasanja, predsjedavajući je konstatovao da je Dom naroda, sa 36 glasova za i uz četiri uzdržana glasa, usvojio Prijedlog Zakona o osiguranju sredstava za redovno i sigurno snabdijevanje prirodnim plinom potrošača u Federaciji Bosne i Hercegovine.

Nakon toga, predsjedavajući je zamolio da se o sljedeće dvije tačke dnevnog reda obavi zajednička rasprava, a izjašnjavanje obavi pojedinačno, što su delegati prihvatili.

- 6. Prijedlog Zakona o izmjenama i dopunama Zakona o naplati i djelimičnom otpisu dospelih a nenaplaćenih doprinosa za socijalno osiguranje**
- 7. Prijedlog Zakona o dopuni Zakona o Poreznoj upravi Federacije Bosne i Hercegovine**

Prijedloge ovih zakona utvrdila je Vlada Federacije.

Predstavnički dom je na 23. sjednici od 30.06.2009. godine usvojio Prijedlog Zakona o izmjenama i dopunama Zakona o naplati i djelimičnom otpisu dospelih a nenaplaćenih doprinosa za socijalno osiguranje u tekstu kako ga je predložila Vlada Federacije.

Predstavnički dom je na 23. sjednici od 30.06.2009. godine usvojio Prijedlog Zakona o dopuni Zakona o Poreznoj upravi Federacije Bosne i Hercegovine u tekstu kako ga je predložila Vlada Federacije.

Prijedloge ovih zakona razmatrala su nadležna radna tijela koja su dostavila svoje izvještaje.

U raspravi su učestvovali Igor Rajner i federalni ministar finansija Vjekoslav Bevanda.

Nakon toga prešlo na glasanje o ovim prijedlozima zakona.

- 6. Prijedlog Zakona o izmjenama i dopunama Zakona o naplati i djelimičnom otpisu dospelih a nenaplaćenih doprinosa za socijalno osiguranje**

Na osnovu rezultata glasanja, predsjedavajući je konstatovao da je Dom naroda, sa 43 glasova za, uz jedan glas protiv i uz jedan uzdržani glas, usvojio Prijedlog Zakona o izmjenama i dopunama Zakona o naplati i djelimičnom otpisu dospelih a nenaplaćenih doprinosa za socijalno osiguranje.

7. Prijedlog Zakona o dopuni Zakona o Poreznoj upravi Federacije Bosne i Hercegovine

Na osnovu rezultata glasanja, predsjedavajući je konstatovao da je Dom naroda jednoglasno (45 glasova za) usvojio Prijedlog Zakona o dopuni Zakona o Poreznoj upravi Federacije Bosne i Hercegovine.

Nakon toga, zamjenik predsjedavajućeg Doma naroda Besim Imamović, koji je tada predsjedavao sjednicom, prekinuo je rad sjednice.

Sjednica je prekinuta u 16.40.

* * *

NASTAVAK SJEDNICE OD 15. SEPTEMBRA 2009. GODINE

Sjednica je počela u 11.20.

Sjednici je predsjedavao Stjepan Krešić, predsjedavajući Doma naroda Parlamenta Federacije Bosne i Hercegovine.

Na početku sjednice predsjedavajući je pozdravio: delegate, predsjednicu Federacije Bosne i Hercegovine Borjanu Krišto, potpredsjednicu Federacije Bosne i Hercegovine Spomenku Mičić, premijera Mustafu Mujezinovića, zamjenike premijera Vjekoslava Bevandu i Gavrila Grahovca, ministre u Vladi Federacije Bosne i Hercegovine, predstavnike udruženja, međunarodnih organizacija, goste i predstavnike akreditiranih medijskih kuća koji prate rad sjednice.

Izostanak sa sjednice su opravdali: Jasenko Tufekčić, Elvira Abdić-Jelenović, Kenan Keserović i Slobodan Tomić.

Na osnovu evidencije Stručne službe, predsjedavajući je konstatovao da sjednici prisustvuju 44 delegata, što čini većinu, te Dom naroda može raditi i punovažno odlučivati.

Predsjedavajući je podsjetio delegate na preostale tačke dnevnog reda i potom prešao na rad.

8. Prijedlog Zakona o izmjenama i dopunama Zakona o federalnim jedinicama

Predlagači Zakona su Nusret Sirčo i Mirsad Zaimović, zastupnici u Predstavničkom domu.

Prijedlog Zakona dostavljen je Vladi Federacije radi davanja mišljenja. Predstavnički dom je na nastavku 22. sjednice od 28.05.2009. godine usvojio Prijedlog Zakona u tekstu kako su ga predložili predlagači.

Prijedlog Zakona razmatrala su nadležna radna tijela i dostavila svoje izvještaje.

Prije prelaska na raspravu o Prijedlogu Zakona premijer Federacije Mustafa Mujezinović predložio je da se, na osnovu člana 176. Poslovnika o radu Doma naroda, odloži rasprava o Prijedlogu Zakona kako bi Vlada Federacije ponudila učinkovitije rješenje za probleme koji imaju stanovnici na području Olova.

Na osnovu rezultata glasanja, predsjedavajući je konstatovao da Dom naroda nije prihvatio prijedlog premijera, jer je za glasovalo 28 delegata, osam delegata je bilo protiv a 12 je bilo uzdržano.

S obzirom na to da je izražena sumnja u rezultate glasanja, pristupilo se poimeničnom glasanju.

Na osnovu rezultata poimeničnog glasanja, koje je obavio sekretar Doma naroda Izmir Hadživdić, predsjedavajući je konstatovao da prijedlog nije dobio većinu jer je za glasovalo 29 delegata, 10 delegata je bilo protiv, a devet je bilo uzdržano.

Prijedlog Zakona obrazložio je Nusret Sirčo, zastupnik u Predstavničkom domu.

U raspravi su učestvovali: Igor Rajner, Besim Imamović, Tomo Vidović, Besim Spahić, Denis Zvizdić, Miro Lazović, Mislav Sučić, Josip Perić, Radoje Vidović, Sead Čaušević, Ivo Komšić, Mirsad Pindžo, Alija Begović, predsjednik Kluba delegata bošnjačkog naroda, Lidija Bradara, Muharem Serbezovski i Mirsad Zaimović zastupnik u Predstavničkom domu koji je, ispred predlagača, izjavio da prihvata da se odgodi izjašnjanje o Prijedlogu Zakona.

Nakon rasprave predsjedavajući Doma naroda je konstatovao da je Dom naroda usvojio sljedeći:

ZAKLJUČAK

1. Odgađa se izjašnjenje o Prijedlogu Zakona za 90 dana,
2. Zadužuje se Vlada Federacije Bosne i Hercegovine da u roku od 90 dana dostavi u parlamentarnu proceduru Zakon koji bi riješio pitanja iz ove oblasti.

9. Nacrt Zakona o fiskalnim sistemima

Nacrt Zakona utvrdila je Vlada Federacije.

Predstavnički dom je na nastavku 24. sjednice od 14.09.2009. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila svoje izvještaje.

Nacrt Zakona obrazložio je Hajrudin Hadžimehanović, pomoćnik federalnog ministra finansija.

U raspravi su učestvovali: Besim Imamović, Ramo Isak, Igor Rajner, Lidija Bradara, Tomo Vidović i Vjekoslav Bevanda, federalni ministar finansija.

Na osnovu rezultata glasanja, predsjedavajući je konstatovao da je Dom naroda, sa 30 glasova za i uz 10 uzdržanih glasova, usvojio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o fiskalnim sistemima i smatra da može poslužiti kao osnov za izradu prijedloga Zakona.
2. Zadužuje se Vlada Federacije da prilikom izrade prijedloga Zakona ima u vidu prijedloge, primjedbe i sugestije iznesene na sjednici.

10. Nacrt Zakona o organskoj poljoprivredi u Federaciji Bosne i Hercegovine

Nacrt Zakona utvrdila je Vlada Federacije.

Predstavnički dom je na 23. sjednici od 30.06.2009. godine razmatrao Nacrt Zakona i Zaključkom ga prihvatio.

Nacrt zakona razmatrala su nadležna radna tijela i dostavila svoje izvještaje.

Nacrt Zakona obrazložio je Pejo Janić, predstavnik predlagača.

Ispred Odbora za poljoprivredu, vodoprivredu i šumarstvo predsjednik Odbora Zoran Budimić predložio je da Dom naroda prihvati Nacrt Zakona.

U raspravi su učestvovali Denis Zvizdić i Pejo Janić.

Na osnovu rezultata glasanja, predsjedavajući je konstatovao da je Dom naroda jednoglasno (40 glasova) usvojio sljedeći:

Z A K L J U Č A K

1. Dom naroda Parlamenta Federacije Bosne i Hercegovine prihvata Nacrt Zakona o organskoj poljoprivredi u Federaciji Bosne i Hercegovine i smatra da može poslužiti kao osnov za izradu prijedloga Zakona.
2. Zadužuje se Vlada Federacije da prilikom izrade prijedloga Zakona ima u vidu prijedloge, primjedbe i sugestije iznesene na sjednici.

11. Nacrt Zakona o dopuni Zakona o posredovanju u privatnom osiguranju

Nacrt Zakona utvrdila je Vlada Federacije.

Predstavnički dom je na 23. sjednici od 30.06.2009. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila svoje izvještaje.

Nacrt Zakona obrazložila je Nusreta Čerkez, predstavnica predlagača.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda, sa 38 glasova za, uz jedan glas protiv i uz dva uzdržana glasa, usvojio sljedeći:

ZAKLJUČAK

Dom naroda Parlamenta Federacije Bosne i Hercegovine prihvata Nacrt Zakona o dopuni Zakona o posredovanju u privatnom osiguranju i smatra da može poslužiti kao osnov za izradu prijedloga Zakona.

12. Nacrt Zakona o mladima Federacije Bosne i Hercegovine

Nacrt Zakona utvrdila je Komisija za pitanja mladih Predstavničkog doma.

Nacrt Zakona dostavljen je Vladi Federacije radi davanja mišljenja.

Predstavnički dom je na 23. sjednici od 30.06.2009. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila svoje izvještaje.

U raspravi su učestvovali Anto Bilić, Bojan Bošnjak i Mira Ljubijankić.

Na osnovu rezultata glasanja, predsjedavajući je konstatovao da je Dom naroda jednoglasno (41 glas) usvojio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o mladima Federacije Bosne i Hercegovine i smatra da može poslužiti kao osnov za izradu prijedloga Zakona.
2. Zadužuje se predlagač da prilikom izrade prijedloga Zakona ima u vidu prijedloge, primjedbe i sugestije iznesene na sjednici.

13. Izbor i imenovanja:

a) Odluka o imenovanju dva člana Komisije za koncesije Federacije Bosne i Hercegovine

Predsjedavajući je podsjetio delegate da je u prethodnom postupku na 23. sjednici Doma naroda, na prijedlog Kluba delegata srpskog naroda, ova tačka skinuta sa dnevnog reda, jer prilikom predlaganja ovih članova nije zadovoljen princip zastupljenosti spolova kao ni nacionalna zastupljenost o čemu je obaviještena Vlada Federacije.

Predstavnički dom je na nastavku 22. sjednice od 10.06.2009. godine donio Odluku o imenovanju dva člana Komisije za koncesije

Federacije Bosne i Hercegovine kojom su za članove imenovani **Munib Zaimović i Osman Sadović**.

Na osnovu prijedloga rang-liste sa najboljim kandidatima, koje je utvrdila Komisija za koncesije Federacije Bosne i Hercegovine, Vlada Federacije je utvrdila Prijedlog za imenovanje dva člana Komisije za koncesije.

Prijedlog Odluke o imenovanju Muniba Zaimovića i Osmana Sadovića za članove Komisije za koncesije Federacije Bosne i Hercegovine utvrdila je Komisija za izbor i imenovanja Doma naroda.

Predsjednica Kluba delegata srpskog naroda Mira Ljubijankić izjavila je da, s obzirom na to da se Vlada Federacije nije izjasnila o mogućnosti raspisivanja novog konkursa ili da u provedenom javnom konkursu predloži jednog člana iz reda srpskog naroda ili jednu ženu, Klub delegata srpskog naroda ostaje pri stavu da neće glasati za ovaj prijedlog Odluke.

Predsjedavajući Doma naroda predložio je da se uputi dopis Vladi Federacije Bosne i Hercegovine kojim bi se tražilo izjašnjenje Vlade Federacije u roku od 30 dana o mogućnosti ponavljanja konkursa za imenovanje dva člana Komisije za koncesije Federacije Bosne i Hercegovine u smislu zadovoljavanja principa zastupljenosti spolova kao i principa zastupljenosti članova Komisije iz reda srpskog naroda, što su delegati prihvatili.

b) Odluka o utvrđivanju prijedloga jednog člana Državne regulatorne komisije za električnu energiju iz Federacije Bosne i Hercegovine

Predsjedavajući je podsjetio delegate da je u prethodnom postupku na 23. sjednici Doma naroda ova tačka skinuta sa dnevnog reda zbog neprisustva predstavnika DERK-a.

Predstavnički dom je na nastavku 22. sjednice od 10.06.2009. godine donio Odluku o utvrđivanju prijedloga jednog člana Državne regulatorne komisije za električnu energiju iz Federacije Bosne i Hercegovine kojom se za člana predlaže **Mirsad Salkić**.

U skladu sa odredbama Zakona o prijenosu, regulatoru i operateru sistema električne energije u Bosni i Hercegovini, Parlament Federacije Bosne i Hercegovine, na prijedlog Vlade Federacije, predlaže člana Državne regulatorne komisije za električnu energiju iz Federacije Bosne i Hercegovine i prijedlog dostavlja Vijeću ministara Bosne i Hercegovine koji će Parlamentarnoj skupštini Bosne i Hercegovine predložiti imenovanje člana Komisije.

Vlada Federacije dostavila je Parlamentu Federacije prijedlog rješenja za imenovanje jednog člana Državne regulatorne komisije za električnu energiju iz Federacije Bosne i Hercegovine, kojim je na ovu funkciju predložila kandidata Mirsada Salkića.

Prijedlog Odluke o imenovanju Mirsada Salkića za člana Državne regulatorne komisije za električnu energiju iz Federacije Bosne i Hercegovine utvrdile su komisije za izbor i imenovanja oba doma Parlamenta Federacije Bosne i Hercegovine.

U raspravi nije niko učestvovao.

Na osnovu rezultata glasanja, predsjedavajući je konstatovao da Dom naroda Parlamenta Federacije Bosne i Hercegovine **nije donio** odluku o predlaganju Mirsada Salkića za člana Državne regulatorne komisije za električnu energiju iz Federacije Bosne i Hercegovine, jer je za prijedlog glasalo 26 delegata, jedan je bio protiv, a 13 delegata je bilo uzdržano.

Sjednica je završena u 14.10.

* * *

Transkript sjednice čini sastavni dio Zapisnika.

SEKRETAR

Izmir Hadžiavdić

PREDSJEDAVAJUĆI

Stjepan Krešić